



დმანისის მუნიციპალიტეტის საკრებულოს  
დადგენილება №17

2024 წლის 26 ივნისი  
ქ. დმანისი

დმანისის მუნიციპალიტეტის ტერიტორიაზე სათამაშო ბიზნესის მოსაკრებლის შემოღებისა და  
განაკვეთების დადგენის შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-3 პუნქტის, 61-ე მუხლის პირველი და მე-2 პუნქტების, „ნორმატიული აქტების შესახებ“ საქართველოს ორგანული კანონის 25-ე მუხლის მე-4 პუნქტისა და „სათამაშო ბიზნესის მოსაკრებლის შესახებ“ საქართველოს კანონში ცვლილების შეტანის თაობაზე“ საქართველოს კანონის (მიღების თარიღი 09.02.2023 წ.) მე-2 მუხლის პირველი პუნქტის შესაბამისად, დმანისის მუნიციპალიტეტის საკრებულო ადგენს:

**მუხლი 1.**

დმანისის მუნიციპალიტეტის ტერიტორიაზე შემოღებულ იქნეს სათამაშო ბიზნესის მოსაკრებელი.

**მუხლი 2.**

1. განისაზღვროს სათამაშო ბიზნესის მოსაკრებლის განაკვეთები შემდეგი ოდენობებით:

- ა) თითოეულ სამორინეს მაგიდაზე – კვარტალში 20 000 ლარი;
- ბ) თითოეულ სათამაშო აპარატზე – კვარტალში 2 000 ლარი;
- გ) თითოეულ წამახალისებელ გათამაშებაზე – საპრიზო ფონდის 10%;
- დ) სისტემურ-ელექტრონული ფორმით ორგანიზებულ თამაშობებზე:
  - დ.ა) სამორინის თამაშობებზე – კვარტალში 250 000 ლარი;
  - დ.ბ) სათამაშო აპარატების თამაშობებზე – კვარტალში 250 000 ლარი;
  - დ.გ) ტოტალიზატორის თამაშობებზე – კვარტალში 250 000 ლარი;
- ე) ლატარიების მოწყობაზე – ლატარიის რეალიზებული ბილეთების ჯამურ ღირებულებასა და საპრიზო ფონდს შორის სხვაობის 10%;
- ვ) აზარტული ან/და მომგებიანი თამაშობის მოწყობის ნებართვით ორგანიზებული ობიექტის გარეთ განთავსებული, სისტემურ-ელექტრონული ფორმით მოწყობილი აზარტული ან/და მომგებიანი თამაშობის თითოეულ სალაროზე – კვარტალში 2 000 ლარი;

ზ) თითოეულ კლუბის მაგიდაზე – კვარტალში 5 000 ლარი.

2. თუ სამორინეს მოწყობის ნებართვის მფლობელი კლუბის მაგიდას მხოლოდ აზარტული ტურნირის ჩატარებისათვის იყენებს, იგი უფლებამოსილია არ გადაიხადოს ამ მუხლით გათვალისწინებული სათამაშო ბიზნესის მოსაკრებელი.

**მუხლი 3.**

ძალადაკარგულად გამოცხადდეს „დმანისის მუნიციპალიტეტში სათამაშო ბიზნესის მოსაკრებლის შემოღების შესახებ“ დმანისის მუნიციპალიტეტის საკრებულოს 2011 წლის 23 დეკემბრის N21-51 დადგენილება. ([www.matsne.gov.ge](http://www.matsne.gov.ge), 28/12/2011, სახელმწიფო სარეგისტრაციო კოდი: 210070000.35.156.016081,)

მუხლი 4.

დადგენილება ამოქმედდეს გამოქვეყნებისთანავე.

დმანისის მუნიციპალიტეტის  
საკრებულოს თავმჯდომარე



პაატა ყულიაშვილი